

HIERONYMUS.

ΕΥΣΕΒΙΟΣ.

EUSEBIUS.

¹ FITHON, civitas *Aegypti*,
quam aedificaverunt filii Israel.

Φιμωθ, πόλις ἐν Αἰγύπτῳ, ἣν οἱ
κοδόμησαν οἱ υἱοὶ Ἰσραὴλ.

PHIMOTH, civitas in *Aegy-*
pto, quam aedificaverunt filii Israel.

FLUVIUS AEGYPTI. Vide TORRENS AEGYPTI.

² FOGO, civitas Adad regis,
quæ est in regione Gebalitica.

³ FOGO, civitas regni Edon.

⁴ FOGOR, & Bethphogor, mons
Moabitarum, ad quem Balac rex
adduxit Balaam ariolum in superci-
lio Lapiadis. Sed & alia villa Fo-
gor haud procul à Bethlehem cerni-
tur, quæ nunc Phaora nuncupatur.

Φογὼρ, καὶ Βεθφογὼρ, ὄρος Μω-
αβ ἐν ᾧ τὸν Βαλαάμ ἠγάγεον ὁ Βαλαάμ.
ὑπάρχειται δὲ τῆς νῦν Λιθιάδος καλε-
μένης. ἔστι δὲ καὶ ἄλλη Φογὼρ κώμη
πλησίον Βηθλεὲμ.

PHOGOR, & Bethphogor,
mons Moab, in quem Balac duxit
Balaam. Situs est supra eam quam
vocant Libiadem. Est & alia Pho-
gor villa juxta Bethlehem.

FONS AQUARUM NEPHTOA. Vide infra NEPHTOA.

FONS DAPHNIS. Vide DAPHNE.

FONS DRACONIS, quem Septuaginta Interpretes appellant *fontem ficum*, constituit Adricho-
mius ad urbis Hierosolymitanæ Orientem; at ego cum Villalpando nostro ad Occidentem, juxta montem
Calvariae, inter portam vallis, & portam stercoris, ut colligitur ex 2 Esdræ 11. v. 13.

FONS GIHON. Vide supra GION.

FONS HORTORUM; qui fluit impetu de Libano, cujus sit mentio Cant. iv. v. 15. ubi sit fateor
me nescire. Sunt autem, qui tam de hoc fonte, quam de puteo aquarum viventium, de quo ibidem ad-
jungitur, audent statuere: & Wilhelmus Tyrius quidem Lib. 13. Belli Cap. 3. unum idemque vult esse *fon-*
tem hortorum, & puteum aquarum viventium juxta Tyrum: Adrichomius & Brochardus hæc distinguunt, &
puteum illum (de quo infra suo loco) juxta Tyrum collocant; *fontem hortorum* verò è Libano scaturientem
ad Orientem Tripolis sex ab ea passuum millibus asserunt, indeque in tres rivos divisum hortos, totamque
illam irrigare regionem. Addit verò Adrichomius eum esse, quem fluvium Sabbaticum Josephus appellat
Lib. 7. Belli Cap. 24. Sed hæc omnia, cum sola illorum nitantur auctoritate non satis firma, malim assensum
sustinere, quam temerè credere.

FONS JACOB, Joannis iv. v. 6. dicitur puteus juxta urbem Sichem, vel Sichar à Jacob Patriarcha
effossus, è quo Samaritana aquas hauriebat.

FONS MISPHAT, Gen. xiv. v. 7. hoc est, *fontis judicii*, ille idem fons est qui Cades dictus est in
deserto, ubi Moyses è petra aquas elicit, Num. xx. Sed per prolepsin *fontem Mispbat* appellat ibi supra
Moyses, cum non nisi aliquot seculis post istam regum Assyriorum excursionem fons ille eruperit. Cur autem
fons ille dictus sit *fontis Mispbat*, seu *judicii* ad eum Gen. locum diximus.

FONS ROGEL, seu *fullonis* ad Orientem montis Sion in confinio duarum tribuum Judææ & Ben-
jamin, Jos. xv. v. 7. & Cap. xviii. v. 16. sic dictus, quantum existimo, quod ejus aquæ ad Agrum fullonis
decurrerent, fullonibusque ibi usui essent. Hunc fontem fuisse in hortis regis indicat Josephus Lib. 7. Antiq.
Cap. 11. nam Adoniam dicit coronatum ad fontem qui est in hortis regis, quod Scriptura dicit factum juxta
fontem Rogel.

FONS SIGNATUS, Cant. iv. v. 12. commemoratur. Certum eo nomine fontem designari sunt qui
asserant. Cotovicus in suo Itinerario Lib. 2. Cap. 9. ait illum ostendi, ad eumque se adiisse ad meridiem ur-
bis Bethlehem, ab ea tribus passuum millibus distantem, quem per aquæductus ad templi Salomonis aream
etiamnum derivari asserit: sed fides sit penes auctorem, qui satis indicat, se non nisi incertam famam se-
qui.

FONS SILOE: Hunc aliqui à fonte Gihon distinguunt. At verior sententia est eundem esse, qua de
re pluribus agendum erit, 3 Reg. i. v. 33.

FONS SOLIS. Vide supra ENSEMES.

FONS TAPHUE, juxta communes terminos tribus Ephraim & dimidiæ tribus Manassæ, Jos. xvii.
v. 7.

FORUM APPII. Vide APPII FORUM.

⁵ FRAATON, unde fuit Abdon
judex populi Israel in monte Ama-
lec.

NOTÆ.

1. In versione nostra *Phitom* appellatur, de qua habes Exodi i. v.
11. BONFRERIUS.

2. *Phan* in versione nostra hæc Idumæorum urbs appellatur, Gen.
36. v. 39. & 1 Paral. i. v. 50. in qua Idumæorum ille rex natus fuit,
qui in Genesi dicitur Adar, at 1 Paral. i. nuncupatur Adad. In Co-
dicibus Septuaginta Interpretum ferè nunc corruptè *Phogor* civitatis
nomen legitur. Porro *Gebalitica* vel *Gebalena* regio nuncupatur sæ-
pius in hoc libro de locis Hebraicis Idumæorum regio. IDEM.

3. Non est hæc à præcedenti diversa, cum & ille Adad Idumæo-
rum rex fuerit, & alibi nusquam ea vox habeatur, nisi ubi de hoc
rege sermo est, ut mirum sit vocem illam hic de nihilo repetitam fu-
isse: sed nimirum cum nullo ordine hæc ab Eusebio digesta fuerint,

non mirum est si subinde non fuerit memor eorum quæ in anteceden-
tibus dixisset. Sic non semel in hoc de locis Hebraicis libro ejusdem lo-
ci nomen bis ter repetitum legimus. IDEM.

4. De hoc monte habes Num. 23. v. 28. Videtur fuisse jugum unum
montium Abarim. Fuit & *Phogor* turpissimi idolianomen, cujus sit
mentio Num. 25. v. 18. quem eundem cum Priapo plerique autu-
mant, à quo & *Bethphogor*, seu fanum *Phogor*, urbs & fanum, in
quo idolum hoc colebatur, in Scriptura appellatur. IDEM.

5. In versione nostra, Hebræo consentiente, appellatur hic locus
Pharatbon, Judic. 12. v. ult. in tribu Ephraim, ut ibidem indicatur.
Quomodo autem intelligendum sit illud quod additur, *in monte Ama-*
lec, ibidem disquirimus. IDEM.